

Supervizor za Brčko dodjeljuje određene nekretnine Medžlisu Islamske zajednice Brčko

Supervizor za Brčko, Raffi Gregorian, je danas izdao [nalog supervizora](#) kojim se dodjeljuje nekretnina koja se nalazi u gradu Brčkom, dio zgrade poznat pod nazivom “zgrada Islahijet” Medžlisu Islamske zajednice Brčko.

Zgrada je pripadala Islamskoj zajednici Brčko prije nego što je nacionalizovana 1954. godine i bila bi predmet restitucije kada se usvoji državni Zakon o restituciji. Ali postoji jako opavdanje za ranije nalaganje restitucije ove imovine. Prije nego što je Konačna odluka bila donesena, ondašnja opština Brčko, u sastavu Republike Srpske, je izvršila, u korist Srpske pravoslavne crkve, restituciju većine njene imovine koja je bila nacionalizovana od strane komunističkih vlasti nakon 1945. godine. Nakon izdavanja Konačne odluke, Vlada Brčko Distrikta, želeći tretirati tri glavne vjerske zajednice u Distriktu jednako, je dala na korištenje lokalnoj Islamskoj i Katoličkoj vjerskoj zajednici u Distriktu određene nacionalizovane nekretnine koje su prethodno pripadale ovim zajednicama prije nego što je došlo do nacionalizacije. Ovaj nalog samo formalizuje te dogovore za zgradu Islahijet.

Znajući da je Islamska zajednica Brčko izrazila želju da se izvrši restitucija dijela zgrade Islahijet, što druge vjerske zajednice podržavaju, supervizor je odlučio da izda ovaj nalog. Zgrada koja se nalazi u centru grada Brčko je trenutno prazna i sa teškim oštećenjima iz rata, a u sadašnjem stanju nije stavljena ni u kakvu ekonomsku niti kulturnu upotrebu. Ova restitucija će izgraditi povjerenje među vjerskim zajednicama u Brčkom i dovešće do boljitka Brčko Distrikta u

cjelini.

Supervizor nije spreman da razmatra buduće zahtjeve za restituciju.